





17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42

597.1
597.1
部-8



地411
5972
28
邦二





寶刻叢編卷第十七

海豐吳式芬校刊

宋錢塘陳思纂次

成都府路

成都府

眉州

崇慶府

彭州

緜州

漢州

嘉州

邛州



黎州

雅州

簡州

永康軍

隆州

按此卷全缺

寶刻叢編卷十八

寶刻叢編卷第十八

海豐吳式芬校刊

宋錢塘陳思纂次

梓州路

梓州

遂州

果州

資州

普州

敘州


瀘州

合州

上海陸成元校字

寶刻叢編卷十八

按以上八
州原缺



渠州

春秋戰國為巴地秦二漢屬巴郡晉初屬巴西郡惠帝分置宕渠郡宋齊屬巴渠郡梁立渠州西魏立流江郡後周因之隋開皇初郡廢大業初州廢為宕渠郡唐武德元年曰渠州天寶元年曰流江郡皇朝因之今縣三

流江 隣水
隣山

漢賜豫州刺史馮煥詔

漢賜豫州刺史馮煥詔安帝元初六年也首云

告豫州刺史馮煥者漢詔之式如此按馮君乃

車騎將軍緄之父緄傳云煥為幽州刺史又煥

有墓闕題云豫州幽州刺史馮使君神道元初

季年豫州境內無盜賊事上谷代郡皆幽州所

部詔有北顧傷心及頃屬樂浪之文亦幽州也
詔中諭其竭心盡慮而使之便宜數上必自豫
徙幽而賜此詔其石下斷惟存上八字意不能
詳考煥猶在豫故其前尚稱故官也

魏釋

漢幽州刺史馮煥神道

銘云故尚書侍郎河南京令豫州刺史馮使君
神道按後漢書馮緄傳緄父煥安帝時爲幽州
刺史而緄碑亦云幽州君之元子此字在岩渠
緄墓前雙石闕上知其爲煥闕也

金石錄

漢幽州刺史馮煥神道今在渠州馮緄傳云父
煥安帝時爲幽州刺史建光元年卒隸蠶翁元

初六年賜豫州刺史馮煥詔煥之殘碑有郎中
尚書侍五字惟京令無所見也

魏釋

漢馮煥殘碑

漢馮煥殘碑三十九字其云比

按隸釋作北

鮮卑判

逆則元初六年詔除幽州時事也其云策書嘉
歎賜錢者馮緄傳載煥死于獄中帝愍之賜錢
十萬當是此事也未有永寧二年四字蓋其卒

之年月也帝紀書建光元年正月幽州刺史馮

煥卒十二郡太守討高句驪穢貊不克四月遼

東都尉龐奮承僞璽書殺元菟太守姚光緄傳
云煥爲幽州刺史疾忌姦惡元菟太守姚光亦

失人_和建光元年怨者詐作璽書賜煥光以歐
刀下遼東龐奮行刑奮即斬光收煥煥疑詔有
異上書自頌病死獄中建光之元即永寧二年
是歲七月改元煥以四月終故碑尚用舊年也
碑無幾而皆與史合

蘇釋

漢馮煥殘碑陰

漢馮煥殘碑陰諸曹史及帳下司馬武剛司馬
十餘人其間有貫潁川汝南陳國者皆豫州舊

部也

蘇釋

漢車騎將軍馮緄碑

漢故車騎將軍馮公之碑篆額馮公名緄巴郡

宕渠人碑云字皇卿而本傳作鴻卿碑云一要
金紫十二銀艾緄終于廷尉而以將軍題碑首
者以金紫之貴也緄以永康元年十二月卒

蘇釋

漢馮緄墓六玉碑二

其上有烏三足狐九尾其下則二驢有一人跨
其右者最下有一牛首蜀人謂之雙排六玉碑
又一碑與六玉碑同一石在馮緄墓道中蜀人
謂之六物碑其上朱雀而下元武其中没字非
漫滅也

蘇釋續

漢馮緄墓單排六玉碑

上下有朱雀元武蜀人既以前碑爲雙排而謂

此爲單排恐亦是馮緄墓道中物也續隸

漢是邦雄傑碑

無名碑以天祿爲額其下刻一牛首又有碑陰上朱雀而下元武其中則没字碑也此碑之首云是邦峻生雄傑峻之上下各闕一字蓋言其山川孕秀也其間有晉陽侯苗由彼適梁犍爲武陽之句疑其姓楊而家犍爲也其初云畔羌動干戈州郡無賦發君設賞寶當時出家財以禦寇也其中又有君將出徵及賓布字亦是破賊之事碑今在西州字畫頗類李翊碑隸釋漢是邦碑陰没字碑

没字碑是邦雄傑之陰也與馮緄墓道一碑相類非磨滅者朱雀在其上龜蛇在其下隸續漢益州太守城垣碑

無名碑蜀人謂之城垣碑末有方三百里圍二尺字及用人用日數似是記板築事首云肇自軒轅以臻于君則紀其族系也游學魯衛師孔氏門鉤深河雒綜覽典墳則美其學問也自此歷官皆利缺多敘討擊寇攘鳩集散流之事有先零氏羌攻犯及四方會聚萬有餘人之語三司集議以其有謀詔拜益州太守餘或句有可讀而上下文不相屬矣隸釋

漢廣漢屬國侯李翊碑

碑無額碑云君諱翊字國輔歷五官功曹守長

察孝為郎拜廣漢屬國侯熹平二年卒銘文有

屬國李侯之語知其姓李復齋碑錄

漢廣漢屬國侯李翊夫人碑

漢廣屬國侯夫人碑李翊之配也兩碑今在渠

州歐趙時皆未出其文云於戲夫人臧侯苗焉

蓋夫人之姓臧也其後歎辭九九十二之數殊

未易曉中有重文數句惟其末譽譽三處字不

再出漢婦人墓銘見于文士集中固不一其石

刻存於今者獨此一碑爾釋

懷安軍


利州路

興元府

利州

閬州

按以上四府州軍原缺



劍州

領縣六

普安

普成

梓潼

陰平

武連

唐立魏太尉鄧公神道碑

唐邢冊

按輿地碑目作丹

撰正書無名氏長慶四年二

月五日立

復齋碑錄

唐創建歇馬五亭記

唐南卓撰王拙

正書并題額開成元年五月二

十二日

復齋碑錄

唐陰平縣記

唐鄭茵撰無書人名氏篆額大中六年五月十

八日記復齋碑錄

唐重陽亭銘

唐李商隱撰正書無名氏大中八年九月金石錄

唐百神堂記

唐節度吳行魯記正書大字無姓名乾符三年

歲寄丙申四月二十日記復齋碑錄

唐册贈張丞相順濟王并祭文

正書無姓名廣明二年歲次辛丑正月庚戌朔

十七日丙寅立復齋碑錄

唐新修順濟王廟記

正書書撰人姓名缺中和元年十二月記復齋碑錄

唐册贈鄧艾衛聖侯勅碑

唐劍州刺史姚卓狀鄧乾裕書并篆額中和五

年八月十日立復齋碑錄

唐東溪亭詩

唐劍州節度行軍司馬任侗撰序并詩監軍使

程山望等和者九人無書人名氏及刻石年月

集古錄目


梓潼五婦山神廟記

在梓潼北四十里寰宇記

九龍堂記

諸道石刻錄

按以上三十行原錯在渠州漢李翊夫人碑後其前尚有脫簡



巴州

春秋戰國為巴郡秦二漢皆因之蜀劉氏分屬巴西郡晉因之晉宋之間為夷獠所據宋末始於巴南立歸化郡齊因之梁又立木門郡後魏得其地立巴州及太谷郡後復巴郡而太谷廢西魏後周皆立巴州隋開皇初歸化木門二郡並廢屬巴州大業初州廢置清化郡唐武德元年曰巴州天寶元年曰清化郡蜀王氏孟氏因之今縣五化城難江恩陽曾口通江

漢廣漢屬國都尉丁君碑

廣漢屬國都尉丁君碑威宗元嘉元年立丁君

名魴字叔河其碑僅有數句成文如云耽樂術

藝文雅少疇油易韓詩垂意春秋其仕則初為

蜀郡屬國都尉三載功成遷于廣漢立碑者六

十餘人嚴子脩爲之首隸釋

漢巴郡太守張納功德敘

其前題巴郡太守都亭侯張府君功德敘云君

諱納按金石錄作訥字子朗按原渤海南皮人也又云

丙子璽書封都亭侯碑無卒葬年月其後頗敘

述政績而繫以銘詩蓋巴郡太守德政碑爾金石錄

巴郡太守都亭侯張府君功德碑靈帝中平五

年立今在巴州張君名納渤海人碑云立姓定

氏應天文像蓋謂二十八舍有張宿其不經與

柳敏碑同此碑乃掾屬李元等爲之碑陰各書

曹掾之職而不稱故吏則是張君在郡之日所

立隸釋

漢張納碑陰

張納碑陰題名七十有四人從事及丞則書其

字主簿掾史並書名蓋一郡之吏也隸釋

益州從事宕渠李元次公等七十四人題名末

行云中平五年三月上旬書君升台祚承天百

福子孫千億復齋碑錄

唐龍興寺頌

唐崔璟按類編作顯撰王幼成書開元十五年立諸

石刻錄

唐救苦觀世音像銘

乾元二年正月諸道石刻錄

唐立巴郡太守嚴顏廟碑

唐韋曾撰無書人姓名貞元二十年諸道石刻錄

唐羊士諤遊西龕詩

元和六年并題石壁寒食遊眺二詩復齋碑錄

唐刺史喬公郡齋詩

長慶元年七月諸道石刻錄

唐重修嚴顏神廟碑

唐馮解按類編撰蒲君按原作言宰正書天復

五年十月十五日立復齋碑錄

唐光福寺楠木歌

唐嚴武史俊作訪碑錄

唐古楠行

唐鮮于侁作諸道石刻錄

唐嚴武題龍日寺西龕石壁詩

行書無姓名金石刻

唐郗昂光福寺詩


行書無姓名金石刻

唐河東薛公布政錄

唐裴寘辭纂述王勛書諸道石刻錄

唐兩按原角山記作南

唐刺史楊師謀撰在集州卽難江縣地唐武德
四年立集州皇朝熙寧五年州廢來屬按原缺
書名



文州

春秋戰國及秦爲氏羌境漢屬廣漢郡
晉泰始中立陰平郡西魏立文州廢盧
化郡後周因之隋開皇初郡廢大業中
州廢屬武都郡義寧二年立陰平郡唐
武德元年曰文州天寶元年曰陰
平郡蜀王氏孟氏因之今縣一
曲水


唐魏毳驛記按輿地碑目
作琉璃驛

正書書撰人姓名缺碑漫滅正書額四字全天
寶四年立復齋
碑錄

沔州

蓬州

按以上二
州原缺



上海陸成沅校字

寶刻叢編卷第十九

海豐吳式芬校刊

宋錢塘陳思纂次

夔州路

夔州

都督府春秋為庸國之魚邑庸滅屬巴
 秦及二漢屬巴南二郡初平六年分屬
 永寧郡建安六年劉璋改為巴東郡屬
 晉宋齊皆因之齊兼立巴州梁曰信州
 後周立總管府隋開皇初郡廢大業初
 府廢復置巴東郡唐武德元年曰信州
 二年改曰夔州天寶元年曰雲安郡蜀
 王氏升鎮江軍節度後改曰寧江今縣
 奉節 巫山

漢巴官鐵量銘

漢巴官鐵量銘云巴東永平七年三百五斤第

二十七前代以永平紀年者凡五漢明帝晉惠
帝後魏宣武李密偽蜀王建惟明帝至十八年
其他皆無及七年者以此知爲明帝時物也錄
錄

銘云巴官永平七年三百五斤第二十七此盆

色類丹

按原作州

砂黃魯直石刻云其一曰秦刀巴

官三百五十戊永平七年第二十七酉余紹興

庚午親見之今在巫山縣治

資古紹志錄

巴官鐵盆銘十六字顯宗永平七年造建中靖
國初黃魯直自戎州東歸厥弟叔向攝邑巫山
有大鹽盆積水堂下以植蓮芡魯直去其泥而

識之其文鑄出鐵上故雖有發筆而勢不可縱
人或指以爲篆首行惟有一字如已而反最後
一字如西而有連筆魯直以爲前刀而後西亦
謂之秦篆又以斗爲戊皆誤也續

漢巴官鹽量銘銘三行十六字量在巫山舊蓄

水種蓮建中初山谷濯去污泥得款識謂前一

行乃秦篆曰刀其二曰巴官三百五十戊其末

曰永平七年第二十七酉當是時歐陽公已下

世不及見不得以入錄趙德夫雖得以入錄其

考正乃去巴官永平七年三百五斤第二十七

殊失次序無義理余服山谷之言多是唯首行

以夕爲刀余疑是乙量以甲乙名之乙次甲其
第二量乎次曰巴官三百五十代巴官巴都官
量也以代爲戊疑是斗言此量所容三十五石
耳其最後行曰永平七年第二十七酉按明帝
永平七年正月二日乙酉至十一月十九日丁
酉凡二十七酉記此量成于丁酉亦絳老人四
百四十五甲子之義也余生晚恨不見山谷集
後錄

晉都鄉侯斷碑

上半不存不知姓名末行有升平二年三月上

旬立

復齋碑錄

唐雜言神女詞

按原作祠

唐忠州刺史李吉甫撰正書無姓名貞元十四

年正月二十五日刻

復齋碑錄

唐題巫山詩

唐蔡穆撰沈幼真行書元和五年十一月

金石錄

唐神女廟詩

唐荆南節度判官敬騫撰試左金吾衛兵曹參

軍沈幼真書元和五年十二月刻在巫山

集古錄

唐白帝城新修祠廟記

唐馬

按類編作馮

文約撰戴昇正書并額元和九年

立

復齋碑錄

唐刺史廳壁記

唐劉禹錫撰正書無姓名長慶二年復齋碑錄

唐神女廟詩

唐李貽孫撰正書無姓名會昌五年九月金石錄

唐都督府記

唐夔州刺史李貽孫撰繆師愈書其記州之城

壘祠宇古跡甚備碑以會昌五年十一月立集古錄

錄

余嘗謂唐世人人工書故其名堙沒者不可勝數每與君謨歎息於斯也如巨靈該繆師愈今人尚不知其姓名况其書乎余以集錄之博僅

各得其一爾集古錄

唐邱元素神女廟詩

唐夔州刺史邱元素詩一首無刻石年月集古錄

後唐重修白帝廟記


劉綸述并行書篆額長興二年六月記復齋碑錄

前蜀重修水陸院佛殿記

右拾遺張恂撰諸道石刻錄

白帝廟石筍詩三首

諸道石刻錄



黔州

春秋為巴地戰國屬楚秦昭王伐楚取黔中以屬黔中郡二漢屬武陽郡晉宋齊皆曰之後不實服後周武帝時蠻帥以其地歸附初立秦州後改曰黔州不帶縣隋為黔安郡唐武德元年曰黔州天寶元年曰黔中郡蜀王氏升武泰軍節度今縣二

漢孝廉柳敏碑

彭水 黔江

碑云君諱敏其先蓋五行星仲二十八舍柳宿之精也其說可謂怪矣此碑以柳君得姓出于

柳宿果何所據哉 金石錄

孝廉柳君碑柳君名敏歷五官功曹宕渠令碑以孝廉稱之重其行也其父亦因孝廉除郎中

碑字雖有漫滅考其文意蓋柳君以本初元年再為郡守所舉不幸而死後二十三年縣令趙臺念其墓無碑識故為立石時靈帝建寧二年

也

隸釋

孝廉柳敏碑今在黔州隸釋云敏嘗為郎中五官功曹宕渠令死後二十三年縣令趙臺念其墓無碑識故為立石時靈帝建寧二年也余考之不然其以孝廉除郎中者敏之父也歷五官功曹宕渠令者敏也其言建寧元年趙臺念素帛之義其二年十月甲子為君立碑者建寧三年也按范曄漢紀建寧二年十月庚子晦日有

食之逆數而上十月無甲子趙德夫金石錄識於目錄之下云建寧二年六月然此碑其稍漫不可識者財十有四字其可識者三百十字而十月甲子又特全好無昏舛可信而不疑況是年六月一日辛未亦無甲子惟建寧三年十月乃正得甲子朔碑所謂其二年者元年之後二年也

集古後錄


漢柳敏碑陰六玉

柳敏碑陰其上刻一禽若鳳其下則麟也中有牛首銜環兩旁凡六玉其右則瑁圭璧其左則

琮璋璜

隸續

按以上十一行
原複見四卷



忠州

春秋戰國為巴地秦屬巴郡二漢蜀晉
未齊皆因之梁立臨江郡後周兼立臨
州隋開皇初郡廢大業初州廢屬巴東
郡義寧二年復立臨州唐貞觀八年改
曰忠州天寶元年曰南賓
郡前蜀後蜀因之今縣四

臨江
豐都
南賓

漢縣三老楊信碑

縣三老楊信碑石已剝鮮有成章者惟官氏名
字俱存所云陳畱太守則其父祖也其文有蠻
夷盜賊及獎勵兵甲之句蓋是述其扞寇之績
其官惟有官掾功曹四字其中有惟方和平大
漢元年之文惟方歎惜之辭和平者威宗之紀

年其末云七十有二遭疾則其所終之壽也釋

唐仙都觀王陰二仙翁碑

唐李虔之撰施楚玉正書景雲二年正月立金石錄

唐仙都觀王陰二真君碑

唐薛鏡一撰按輿地碑目宇文楚珪正書按金石錄

正書無姓名景雲三年正月立復齋碑錄

唐明皇夢真容詔

開元中刻諸道石刻錄

唐明皇送太守康公詩

唐明皇御製并行書古篆額天寶十三年二月

建復齋碑錄

唐御製御書詩刻石記

唐南賓太守康昭遠謹述天寶十三年甲午二月

月七日癸酉建復齋碑錄

唐仙都觀王陰二真君影堂碑

唐李吉甫撰儲伯陽行書貞元十四年正月立

金石錄

唐論士洲記往復書按金石錄作段文昌與房式往還書

唐段文昌撰房式述正書無姓名貞元十七年

十一月金石錄

唐士洲耆老恩舊記按金石錄作士洲記

唐段文昌撰王元同正書貞元十五年記元和十五年十一月建復齋碑錄

唐修仙都觀記

唐段文昌撰李師復正書大和七年正月五日建復齋碑錄

唐題仙都觀詩

唐南卓張次宗作大和八年五月十八日復齋碑錄

唐仙都觀修齋靈感記

唐段成式撰李騰書咸通四年五月十七日立復齋碑錄

唐扶風公創造仙都觀天尊殿石像記

唐蹇宗儒撰尹翊按一本作翊正書并題額咸通四年十一月二十三日記復齋碑錄

唐仙都觀老君石像記

唐馮涯撰尹翊正書咸通五年七月五日記復齋碑錄

唐仙都觀新建南樓記

唐柳駢撰楊珪書咸通三年四月記乾符二年七月建復齋碑錄

唐仙都觀黃籐齋祥瑞詔


中和二年按一作三年諸道石刻錄

唐蜀仙都觀石函取經記

杜光庭撰正書天復七年四月復齋碑錄

後蜀重刻盧播平聲詩

廣政三年十月三日楊仁煦以舊本重刻復齋碑錄



萬州

春秋戰國為巴地秦二漢屬巴郡建安中分屬巴東郡晉宋齊皆因之後周立安鄉南都二郡兼立南州後改安鄉曰萬州南都曰懷德隋州郡並廢屬巴東郡唐武德二年立南浦州八年廢屬夔州九年復立曰南浦州貞觀八年曰萬州天寶元年曰南浦郡前蜀後蜀因之今縣二南浦郡武寧

漢真道家地碑

真道家地碑延熹七年真道以錢八千從真敖

兄弟市此地廣二十二丈其文戒約後世作冢

取土方隅但得宿山居畱不得爭訟舍地怖之

以天帝誅疾勸之以勉崇孝道戒之以不得違

犯先人之約字札案碎不能盡通續隸

唐永州刺史冉仁才碑

唐張昌齡序李崇真行書弟子恂書名龍朔二

年按類編二月十二日立復齋碑錄

唐岑先生銘

唐嚴浚撰正書無姓名乾元三年四月金石錄

唐大雲寺岑公石洞志

唐段文昌撰元和八年十月立在大雲寺復齋碑錄

涪州

春秋戰國為巴地秦二漢屬巴郡建安二十一年蜀分立涪陵郡晉因之後廢而復立隋開皇初又廢屬渝州唐武德元年析置涪州天寶元年曰涪陵郡前蜀後蜀因之今縣三涪陵樂溫武龍

漢廣漢綿竹令王君神道

建寧元年十月造縣令字作苓漢人淳質文字

相近者多假借用之如縣令字人所常用而尙

假借何耶金石錄

廣漢綿竹令王君神道九字微雜篆體綿字作

曰下木略與縣字相混故趙氏誤作廣漢縣令

而謂其借苓為令也歐陽公博收並蓄顧弗深

考姓名字畫多有誤讀者德父治郡之餘專意金石刻辨證亦甚精確獨此碑為可笑爾隸釋

漢劉讓閣道題

劉讓所題十六字相傳云在蜀中閣道建寧者

靈帝年號漢碑書鍵為之鍵皆作鍵隸釋

建寧元年十月上旬工鍵為武陽劉讓題十六

字作一行金石錄誤以此合之廣漢王君神道

唐相思寺彌勒古像記

光化三年五月二十一日復齋碑錄

恭州

古巴子之都戰國為秦所併立巴郡二漢因之初平六年分巴為二郡以江州為永寧郡建安六年復為巴郡蜀晉宋齊因之梁兼立楚州西魏後周因之隋開皇初郡廢改州曰渝州大業初州廢為巴郡唐武德元年曰渝州天寶元年曰南平郡蜀王氏孟氏皆因之皇朝崇寧元年更名今縣三

晉夜郎太守毋稚碑并陰

晉故寧遠將軍綏蠻護軍夜郎太守毋府君之

神碑隸額二十字君諱稚字君孫隆安三年歲

運己亥十月十五日主簿張熊等立

碑陰司馬行談指令巴西陳碑缺參軍事行夜郎

令巴西楊玉等題名復齋碑錄

晉義熙靈石社日記

石以二月社日先鑿傳銘于圯必泰今大篡

既正皇晉中興西寇有獨盡之勢關洛有可乘

之兆年豐氣和物寧其極曠代冥微復著于今

輒抑奉時仰協人會飛旂命旅廓寧岷夏矣義

熙三年二月八日戊申社日記復齋碑錄

唐渝州遊仙觀杜法師功德碑

唐韓太沖撰王義臨書法師諱隱居字貞幹垂

拱三年立復齋碑錄

唐張萱靈石碑

天寶十五載正月下十碑並諸道石刻錄

唐王昇靈石碑

乾元三年二月

唐郭英幹靈石碑

廣德二年二月

唐楊冕靈石頌

大曆四年正月

唐李全靈石詩

大曆十年正月

唐任超靈石碑

建中四年正月

唐賀若公靈石碑

溫從撰大和七年二月

唐陳君從靈石銘

陳憲撰會昌四年

唐牟崇厚靈石銘

張孟撰大順元年二月

唐張武題記

景福元年三月二日

唐牟知猷靈石詩

景福元年三月十日

梁山軍

皇朝開寶三年以石氏屯田務立縣一梁山

漢都鄉孝子嚴舉碑

都鄉孝子嚴舉碑崇七尺其二分之下橫有裂

文近歲出梁山軍所傳者皆至裂文止石理皴

剝文意間斷不知其尙有關遺也予再得之始

是全碑嚴舉姓名甚分明其碑有文有頌又有

亂曰十六句蓋嚴舉之父仕至郡守三女無男

以舉爲後舉能和顏奉親送終盡孝母氏年老

事繼若真德刑州里官表門閭弟子共爲立碑

又有數行載邑官甄表之因顛稱其爲父行喪

服制踰禮延熹之七年也續隸

漢嚴舉碑陰

碑云丞廣漢屬國王杜字文柜右尉健為南安周位字惠照三十六人題名多稱弟子者復齋碑錄

漢交阯都尉沈君神道

交阯都尉沈君二神道其上各刻朱雀其形相向知此蓋是一人猶王稚子闕盡書其所歷官也其下又刻龜蛇虎首所畫甚工此字及馮煥王稚子闕皆是八分書張懷瓘所謂作威投戟騰氣揚波者也隸釋

雲安軍

開寶六年以夔州雲安縣置軍縣一雲安

漢鄭子真宅舍殘碑

鄭子真宅舍殘碑所存其上十數字餘石碎矣首云所居宅舍一區直百萬繼云故鄭子真地中起舍一區七萬凡宅舍十有二區其次有辭語有歲月云平四年上存四點必熹平也隸釋

漢金廣延母徐氏紀產碑

金廣延母徐氏紀產碑其辭云光和元年五月中旬金廣延母自傷紀考妣徐氏元初產永壽元年出門託軀金掾季本自此之後其石半滅

所存者其下段爾徐氏歸于季本有男曰恭字
子肅早終故立從孫廣延爲後廣延弱冠而仕
又復不祿碑云廣延年十八娶婦徐氏子肅亦
有年十八字而闕其下文當亦是載其婚聘子
肅殘碑亦有妻字可證此碑字子肅之上有兩
字不甚明上一字髣髴是恭其下頗類成字但
漢人無二名而金恭有墓闕及殘碑皆云恭字
子肅可以證廣延之子字子肅者卽金恭也但
恭之下多一字所不可曉

釋

漢鉅鹿太守金君闕

鉅鹿太守金君闕七字今在蜀道不知其人也

釋

漢處士金恭闕

處士金恭字子六字子下一字惟存一筆以墓
碣及金廣延母碑參之知其字子肅也此石圭
首甚銳其上刻三足鳥其次橫刻此數字其下
有一人執扇而乘馬兩旁有螭銜環近歲出于

雲安軍土中

釋

漢金恭碑


金恭碑其石剝缺殘章少有可句者金掾季本
卽其父也二弟曰廣延曰雍直其母徐氏有紀

訾產碑

釋

唐揚雲升按原尊師碑

杜光庭撰在雲昇宮復齋碑錄



福建路

福州

大都督府春秋為七閩地秦為閩中郡漢武帝為治縣屬會稽郡東漢因之吳分屬建安郡晉太康三年立晉安郡宋齊因之陳兼立閩州後改曰豐州隋平陳郡廢改州曰泉州大業初州廢立建安郡唐武德元年曰泉州景雲二年曰閩州開元十三年改今名天寶元年曰長樂郡後升成武軍節度唐末為閩王氏所據石晉時入吳越後周改彰武軍皇朝太平興國二年復曰威武軍今縣十二
侯官 福清 懷安 長溪 連江 古田 長樂 永福 閩清 羅源 圍德

觀音寺古篆

篆書十字在福州永泰縣觀音院後山上閩人

黃孝立爲予說曰山無名而甚高峻石皆頑無復鐫刻之迹如人以手指畫泥而成文隨圓石之形環布之孝立嘗至廣州見南蕃人以夷法事天日夕拜金書字圖號天篆者視其字與此正同然不能考也今世人亦有以道家之言譯之者曰勤道守三一申有不死術亦莫得而詳焉

集古錄

無書人名凡十字體如篆猶其文非字書所有在福州永泰縣觀音院後山上如以手指畫石而爲之非人迹也

集古錄目

唐東山愛同寺懷道闍梨碑

唐栢州刺史李邕撰并書闍梨姓陳氏爲福州愛同寺僧碑以開元二十五年七月立

集古錄目

大乘愛同之寺

唐李邕書

諸道石刻錄

唐般若臺題

唐李陽冰篆大厯七年立

金石錄

在神光寺石壁上大字二十四字著作郎兼監察御史李貢造

諸道石刻錄

唐東山懷一律師碑

唐皇甫政撰褚長文正書邱悌篆額貞元八年四月十五日立

復齋碑錄

唐愛同寺西院大律師碑

唐劉太貞撰于頓書貞元八年立諸道石刻錄

唐貞元無垢淨光塔銘

唐庾承宣撰無書人名氏篆額貞元十五年四

月立諸道石刻錄

唐東山愛同兩寺義食堂畫壁記

唐馮審撰顏頤書篆額元和四年五月諸道石刻錄

唐毬場山亭記

唐馮審撰分書無姓名篆額元和八年立復齋碑錄

唐聖泉寺法華院記

唐劉軻撰大和四年立碑三面皆刻字諸道石刻錄

唐新造上生院記

唐李貽孫撰正書無名大中六年四月十三日

立在神光寺復齋碑錄

唐毬場山亭二十詠并序

唐福州刺史裴次元作大中十年刻諸道石刻錄

唐閩遷新社記

唐攝館驛巡官前進士濮陽宁撰書為八分不

著名氏福州刺史楊君碑不著名改立新社稷風雨

壇遂記其壇墼室宇之制碑以大中十年十一

月立集古錄目

其辭云大中十年夏六月關西公命遷社于州

城凡築四壇壇社稷其廣倍丈有五尺其高倍
尺有五寸至以石壇風師廣丈有五尺高尺有
五寸壇雨師廣丈而高尺云文字古雅甚可愛
嗚呼唐之禮樂盛矣其遺文有足采焉州縣社
稷有主見于此記蓋大中時其禮猶在也按唐
書楊發自蘇州刺史爲福建觀察使至大中十
二年遷嶺南節度以歲月推之關西公者楊發
也

集古錄

唐九峰鎮國禪院額

唐柳公權書咸通二年八月八日題閩中記云
在懷安縣北

諸道石刻錄

唐建天王堂記

唐盧標撰咸通七年立

諸道石刻錄

唐神光寺碑

唐李勳撰盧元書并篆額咸通八年十二月立

閩中記云神光寺在城內烏石山正西

諸道石刻錄

唐定光塔記

唐黃滔撰進士劉璣書并篆額天祐二年立

諸道

石刻錄

唐南澗寺石像記

唐四門助教歐陽詹撰

諸道石刻錄

晉尊勝經幢

李紹元書天福九年立諸道石刻錄

後周尊勝經幢并記

僧文璣按一作璣記顯德三年立諸道石刻錄

後周外湯院置田記

大德亞山高述顯德六年十一月立諸道石刻錄

漳州故羅漢禪師碑

張廣撰僧匡按類編作臣政書閩王昶通文元年建


諸道石刻錄


閩忠懿王德政碑

于競撰諸道石刻錄

大瀉延聖禪師碑

崔允撰諸道石刻錄





建州

春秋為七閩地戰國為越人所居秦屬閩中郡二漢屬會稽郡吳永安三年分置建安郡晉宋齊梁因之陳屬閩州後屬豐州隋平陳郡廢屬泉州大業初州廢屬建安郡唐武德四年立建州天寶元年曰建安郡唐末為閩王氏所有升鎮武軍節度石晉時入南唐改永安軍又改忠義軍後降軍事皇朝端拱元年并建國軍

今縣七

建安

歐寧


建陽

浦城

唐黃喬廟記

唐吳安世撰并正書廣德二年六月初三日記

復齋碑錄



泉州

春秋為七閩地戰國為越人所居秦屬閩中郡漢屬閩越國後及東漢屬會稽郡吳屬建安郡晉屬晉安郡宋齊因之後置南安郡隋平陳郡廢屬泉州唐初亦屬焉聖歷二年立武榮州三年廢久視元年復置景雲二年更名天寶元年曰清源郡唐末為閩王所有石晉時附于南唐升清源軍節度皇朝太平興國三年改平海軍今縣七


晉江南安同安惠安
 永春清溪德化

唐二按原
作三

公亭記

唐四門助教歐陽詹撰在東湖諸道石刻錄

年表卷之九



廣南東路

廣州

都督府古蠻夷之地春秋戰國為百越
秦立南海郡二漢因之建安十五年兼
立交州吳永安六年分立廣州晉宋齊
梁陳因之隋平陳郡廢仁壽元年曰番
州大業初州廢復立南海郡唐武德四
年平蕭銑立廣州天寶元年曰南海郡
後建清海軍節度五代為南漢劉氏
所據皇朝開寶四年收復今縣七
南海番禺清遠增城
懷集東莞新會

梁羅浮山銘

梁廣州刺史河東王蕭欽撰參軍蕭世貞書中

大同元年立集古錄曰

唐貪泉銘

寶刻叢編卷七 廣州 一

唐南海別駕陳元伯撰嶺南黜陟判官薛希昌

倒薤篆書按金石錄作八分書天寶五年四月立集古錄目

唐張九臯按原作草祭南海冊

天寶十載三月刻復齋碑錄

唐南海廣利王神廟碑

唐袁州刺史韓愈撰循州刺史陳諫書并篆額

元和十二年廣州刺史孔戣重修南海神祠以

十五年十月立此碑在南海廟中集古錄目

韶州

春秋為百越地戰國屬楚秦屬南海郡二漢屬桂陽郡吳甘露元年分立始興郡晉因之宋改曰廣興郡齊復曰始興梁陳因之隋平陳郡廢屬廣州唐武德四年平蕭銑立番禺州尋改為東衡州貞觀元年更名天寶元年曰始興郡唐為盧光稠所據後入南漢今縣五
仁化 翁源 樂昌

漢周府君碑

漢隸不著書撰人名氏韶州圖經云郭蒼撰初

桂陽有隴水人患其險太守下邳周憬字君光

頽山鑿石以通之延熹三年故吏區祉刻石以

紀功并祉等故吏題名者三十二人在韶州樂

昌縣昌樂瀧上周君廟中

集古錄曰

按韶州圖經云後漢桂陽太守周守君廟在樂昌縣西一百一十八里武溪上武溪驚湍激石流數百里昔馬援南征其門人轅寄生善吹笛援爲作歌和之名曰武溪深其辭曰滔滔武溪一何深烏飛不渡獸不能臨嗟哉武溪何毒淫周使君開此溪下合真水桂陽人便之爲立廟刻石又云碑在廟中郭蒼文今碑文磨滅云府君字君光而名已訛缺不可辨圖經但云周使君亦不著其名後漢書又無傳遂不知爲何人也按武水源出郴州臨武縣鷓鴣石南流三百

里入桂陽而桂陽真水梨溪盧溪曹溪諸水皆與武水合流其俗謂水湍浚爲瀧韓退之詩云南下昌樂瀧卽此水也碑首題云神漢者如唐人云聖唐爾蓋當時已爲此語而史傳他書無之獨見於此碑也

余初得前本恨其名遂磨滅後有國子監直講劉仲章者因出其碑而爲余言前爲樂昌令因道府君事云名憬問其何以見之云碑刻雖闕尙可識也乃以此碑并陰遺余蓋前本特模者

不工爾

並集古錄

神漢桂陽太守周府君功勳之紀銘隸額周君

名憬自固始相爲桂陽守碑云熹平三年歲在攝提仲冬之月曲紅長區祉與邑子故吏建碑于隴上蓋靈帝甲寅年也茲水發源王禽山干渠萬澮下湊六龍舟楫過之若奔車失轡狂牛無縻喪寶玩流象犀積有日矣周君思夏后龍門之績感李冰離堆之事排治湍梗人得利涉故紀其功勳銘辭全逼騷雅有瓠子歌遺意韓退之詩云南下樂昌瀧險惡不可狀者卽謂此也樂史寰宇記云瀧上有太守周昕廟今碑在韶州張九齡廟中其名尙隱隱可辨蓋憬字也予嘗侍親度嶺留英州其郡東亦有瀧問之云彼處壤沃宜稻而山甚高峭僅有鳥道負擔者不可下土人斬竹爲簾以器貯米實其上俟雨至澗道隨飛瀑魚貫而下注于深潭入水底始再出碎于石者什五六謂之瀧如此

釋

漢周憬碑陰

周憬碑陰宰曲紅者一人貫曲紅者十六人熊君碑亦同兩漢書皆作曲江諸家地里書皆云水流屈曲故曰曲江惟水經云縣昔號曲紅山之名也前書工女大功皆只同用紅字未知水經何所據也

釋

唐廣果寺能大師碑

唐武平一撰正書無姓名開元七年立諸道石刻錄

唐張九齡贈司徒告

建中元年諸道石刻錄

唐中書令張曲江碑

唐廣州刺史嶺南節度使徐浩撰并書曲江名

九齡字子壽一字傳物韶州曲江人開元中官

至中書令罷為尚書右丞相貶荊州長史諡曰

文獻碑以大厯中書撰長慶三年刻石集古錄目

唐張九臯碑

唐工部尚書蕭昕撰九臯孫曹州刺史仲方書

九臯范陽人仕至殿中監以長慶三年立集古錄目


潮州

春秋為七閩地戰國為越人所居秦屬南海郡漢屬南越後及東漢屬南海晉屬東官郡安帝分立義安郡宋齊以後因之梁立揚州改曰瀛州及陳時州廢隋平陳郡廢立潮州大業初州廢復立義安郡唐武德五年曰潮州天寶元年曰潮陽郡五代為南漢所有今縣二

唐大顛禪師壁記

大顛名寶通壁記歷敘其所居并退之請大顛

三書皆國初重刻無書人名氏集古錄目



連州

春秋為百越戰國屬楚秦屬長沙郡漢屬桂陽郡吳晉屬始興郡宋明帝立宋安郡後廢屬廣興郡齊復屬始興郡梁立陽山郡隋平陳郡廢置連州大業初州廢置熙平郡唐武德四年平蕭銑立連州天寶元年田連山郡唐末為楚馬氏所有後入南漢今縣三

梁靜福山廖先生碑

先生姓冲字清虛梁中大同年居此山唐連州

刺史蔣珍立此碑


復齋碑錄

唐貞女峽楞伽臺置寺勅

大曆六年十一月刻錄

唐放生池銘

寶曆元年四月二十一日刺史蔣防立復齋碑錄



端州

古百越地秦屬南海郡二漢吳晉屬蒼梧郡宋齊屬南海陳立高要郡隋平陳郡廢立端州大業初州廢立信安郡唐武德元年曰端州天寶元年曰高要郡五代為南漢所有皇朝建中靖國元年升興慶軍節度今縣二

唐石室記

唐李邕撰不著書人名氏考其筆迹似張庭珪

書疑張庭珪所書也集古錄

唐李邕撰并書端州刺史畢守恭與僚佐游于

石室為此記以開元十五年正月立集古錄目

李北海端州石室記樂史所謂嵩臺在高要縣

北五里李邕有記卽此記也按南越志高要有石室自生風煙南北二門狀如人巧人以爲神仙都因名嵩臺焉記無書人名氏歐陽公疑爲

張庭珪書集古後錄

唐石室題名

唐端州司馬李紳長慶四年遊石室題名集古錄

端州石室李紳題名云長慶四年二月自戶部

侍郎貶官至此嗟夫黨議之興君子窮也初紳

爲翰林學士與李德裕元稹按原作積號三俊李逢

吉中傷元稹擯德裕引相牛僧孺立黨相軋又

用八關十六子之計必于陷紳會穆宗上賓逢


吉言於新天子曰紳實不利於陛下遂自戶部


貶端州司馬牛李之憾益甚搢紳之禍四十年

不解嗟夫余念之悲恨數日集古後錄

唐石室題名

魏元忠書諸道石刻錄





新州


古百越之地秦屬南海郡二漢屬合浦郡晉屬蒼梧郡穆帝分立新州郡宋齊因之梁立新州隋平陳郡廢大業初州廢屬信安郡唐武德四年平蕭銑立新州天寶元年曰新昌郡後改曰新興五代為南漢所有今縣一

唐新興縣令光燕客清德碑

唐閣朝隱撰王麈行書景龍二年戊申九月十

七日建

復齋碑錄



康州


德慶府

古百越地秦屬南海郡二漢吳晉屬蒼梧郡穆帝分立晉康郡宋以後因之梁又立開陽平原羅陽等郡隋平陳郡俱廢屬端龍二州大業初屬信安永熙二郡唐武德四年立龍州六年立康州天寶元年康州曰晉康郡瀧州曰開陽郡五代為南漢所有皇朝開寶五年廢康州入端州尋復立六年廢瀧州入晉康郡今縣二瀧水

唐新修龍母廟樓記

唐李景休撰郭齊正書大和六年正月一日記

復齋碑錄



英州

古越地戰國屬楚秦屬南海郡二漢屬桂陽郡吳屬始興郡晉宋以後因之梁又立衡州及陽山郡隋平陳郡並廢改州曰涯州開寶二十年州廢屬廣州唐因之五代時南漢立英州今縣二真陽滄光

唐南巖亭記并到難篇

唐李蕃撰不著書人名氏真陽縣南山巖上有

石室縣令侯著因之以立亭故以為名河南府

按以下原缺三行考輿地碑日引集古錄云南巖亭記唐李蕃撰周夔又作到難一篇同刻李蕃書元和六年立此所引當是集古錄目

唐果業寺開洞谷記

唐元傑撰不著書人名氏真陽果業寺之東有

石洞谷嘗有方士學道于其中其石座丹竈猶存歲久荒廢無復有跡傑與寺僧智捷復開其路以元和十一年立此記

集古錄目

廣南西路

靜江府

都督府古百越之地戰國屬楚秦屬桂林郡二漢屬零陵蒼梧二郡吳甘露元年立始安郡晉因之宋明帝改為始建國齊復曰始安郡梁兼立桂州隋平陳郡廢大業初州廢復為始安郡唐武德四年平蕭銑立桂州天寶元年曰始安郡唐末升靜江軍節度為楚馬氏所有後入南漢今縣十
臨桂 興安 靈川 陽朔 荔浦
永福 修仁 義寧 理定 古

唐平蠻頌

唐韓雲卿撰韓秀實分書李陽冰篆額大厯十

二年立 諸道石刻錄

按西原蠻在唐為邊患久矣自肅宗至德以來

百餘年間諸蠻更相雄長乍服乍叛攻桂管十
八州所至焚廬舍掠士女元道州所謂城池井
邑但生荒草登高極望不見人烟蓋實錄也今
此碑所序大歷十一年賊帥潘長安僞稱南安
王誘脅夷蠻連跨州邑南距雕題交趾西控昆
明夜郎北泊黔巫衡湘毒如彼其廣天子命隴
西縣男昌巖持節詔討擒獲元惡并其將率八
十四人生獻闕下其俘虜二十餘萬並給耕牛
種糧令還舊居勛烈如此之著其列傳俱闕而
不書歐趙集古金石之文又偶不得此碑入錄
鄉非事著于碑而碑錄于余其遂無聞矣集古後錄

唐新步虛詞十九首

茅山元靜先生門人朝議郎守太府卿韋渠牟
撰貞元十七年立字畫清勁諸道石刻錄

唐新開隱山六洞記

唐都防禦判官侍御史內供奉吳武陵撰防禦
衙推韓方明八分書并篆額李渤遊于州之西
山其溪谷潭洞皆人所未嘗至者遂名之曰隱
山構亭榭于其上以寶歷元年八月立此記集古

目錄

唐隱山六洞記

唐韋宗卿撰李方古書寶歷元年諸道石刻錄

唐杜鵑花詩二首

唐張濬及嶺南節度使劉崇龜唱和杜鵑花詩

二首前監察御史張巖書乾寧元年刻集古錄目

唐新修堯舜十二祠祭器記

唐趙觀文撰顏起正書并篆額乾寧五年八月

十五日建復齋碑錄

元元綸言諸道石刻錄

容州

都督府古百越之地秦屬象郡漢屬南越後及東漢屬合浦郡晉末以後因之隋為合浦永平二郡唐武德四年平蕭銑立銅州貞觀八年改為容州天寶元年曰普寧郡五代為南漢所有升為寧遠軍節度皇朝開寶五年廢繡馬順三州入焉今縣三普寧北流陸川


唐景星寺碑

唐容州都督盧藏用撰并分書篆額開元四年

立諸道石刻錄

唐元結德政碑

唐大厓中立諸道石刻錄



梧州


古百越之地秦屬桂林郡漢元鼎六年
立蒼梧郡東漢建安八年立交州牧治
此十五年徙治番禺晉宋齊梁陳為蒼
梧郡隋平陳郡廢屬封州後屬蒼梧郡
唐武德四年平蕭銑立梧州天寶中復
曰蒼梧郡五代為楚馬氏所有後入南
漢今縣一
蒼梧

唐冰泉銘

唐大[廩]間容州刺史元結撰貞元十二年正月

十六日章

按一武重修并書復齋碑錄



柳州

古百越之地秦以後地里與象州同唐平蕭銑立昆州是年改曰南昆州貞觀八年又以地當柳星更名天寶元年曰龍城郡五代為南漢所有今縣三

馬平洛容柳城

唐柳州山水記

唐柳宗元撰元和十年立諸道石刻錄

唐重復大雲寺記

唐柳宗元撰正書無名篆額憲宗時立復齋碑錄

唐羅池廟碑

唐吏部侍郎韓愈撰中書舍人沈傳師書柳州刺史柳宗元死而為神州人立廟于羅池碑以

長慶元年正月立集古錄目

唐柳州井銘

唐柳宗元撰沈傳師書長慶三年立字畫頗不工疑後人偽為然以子厚集本校之不同者數字此本為善又恐工人模刻不甚精好爾金石錄



上海陸成沅校字

寶刻叢編卷第二十

海豐吳式芬校刊

宋錢塘陳思繁次

諸書所錄刻石地理未詳

西漢石刻

鄭三益關銘

武帝建元二年自劉聰後屢以建元紀年此銘

字畫非晉已後人書金石錄

尉府靈壁甌文金石錄
陽朔塋字

陽朔甌字云尉府壺壁陽朔四年正朔始造設已所行字畫奇古西漢文字世不多有此字完好可喜然所謂尉府壺壁又云已所行者莫曉

其為何等語金石錄

尉府靈壁甄文四行十二字成帝陽朔四年造西漢字見於彝器者皆是篆文此甄分行作某局大眼數字略有隸體與會稽路都尉闕頗相似趙德夫云士大夫考正前代遺事其失常在好奇孔子曰君子於其所不知蓋闕如也予謂建元名年不止西都有之鄭三益闕全是晉人筆札趙乃定為武帝時碑深誤後學闕如之戒若何資州重刻燕然銘自寶憲之後誰曾再登此山若當時椎拓者無緣留到今日兼東都之初石刻未如此齊整一見可知其偽隸續

東漢石刻

路君闕銘二

其一云會稽東部都尉路君闕永平八年四月十四日庚申造其一云君故豫州刺史温令元城令公車司馬令開陽令謁者議郎徵試博士路君不知為何人按漢書志建武六年省諸郡都尉惟邊郡往往有之豈會稽邊海故置此官歟又任延嘗為會稽西部都尉而此云東部疑當時會稽分東西西部各置都尉史不載爾金石錄會稽東部都尉路君闕明帝永平八年造東都冢墓間石刻傳于後世有自此始趙氏云建武

中省諸郡都尉唯邊郡有之豈會稽邊海故置此官歟任延嘗爲會稽西部都尉而此云東部疑會稽分東西部各置都尉史不載爾予按衡方碑亦嘗爲會稽東部都尉乃威宗之時則東都蓋有此官未嘗併省范史雖不具載而它書亦可稽據

豫州刺史路君二闕前闕七行二十七字書其所歷豫州刺史至徵試博士凡八官後闕亦七行二十一字云會稽東部都尉路君闕其次書造闕年月日永平之八年也字畫兼用篆體前闕人物之後小字一行却是隸文豫州前後各

一人執杖負劍嚮字立東部之前亦一人執杖負劍又有一人正面立腰下垂佩兩手各有所執末亦一人執杖負劍而其前又有一人側面嚮字立手中亦有所執蓋是墓前雙闕如王稚子高貫方之類但二闕無姓名此其異爾並隸續延年益壽椁題字

延年益壽椁文三行十八字今在蜀中安帝永初七年造謂之萬歲延年益壽椁當是壽冢中所刻如梁相孔耽碑之類建初中曹叔文汝伯寧甄皆有萬歲舍之文恐彼亦是壽藏之物隸續

孝子董蒲闕

孝子董蒲闕其中刻一禽頗大兩旁各一獸銜
環佩之屬甚類處士金恭闕禽之下橫書七行
云孝子澄鄉宜利里董蒲亦與金恭闕相類禽
之右有一行云永寧二年三月辛巳朔十一日
辛卯掾李純有秩張成其間數字難辨此闕先
書年月朔日又有掾史姓名與墓門之闕不同
必董君孝行著聞官爲甄表而立此闕二獸不
見下體恐所刊文辭或在其下續隸

馮君開道碑

馮君開道碑威宗和平元年刻凡六十九字紀
其披山開道人民欣悅之利末有曹史孔固三

人

按以上十一行原複
見四卷伊陽縣內

題名

續隸

益州太守無名碑并陰

按蜀碑記載
人成都縣

益州太守碑以朱爵爲額龜蛇爲趺龍虎銜璧
在其兩旁一崇碑也首云永壽元年二月十九

日益州太守某君卒其姓獨刻滅或有謂之馮
君者豈予所藏偶不明耶碑之左有功曹掾故
吏題名四十八人皆屬邑建伶牧靡楫棟滇池
穀昌俞元之人也僅有王李數姓可辨名字皆
不具矣隸釋

益州太守碑陰有牧靡故吏三人題名在跌之
右此碑刻五玉三獸下有牛首蜀中漢碑如是
者有柳敏碑陰馮緄墓道雙排六玉碑又有單
排六玉碑與此凡四

隸釋

張休崖溪銘

磨崖險路銘四言十四句威宗延熹二年三月
刻末有張休姓名姑以名其碑其文謂此山高
擬太山險比劍道上眊彼蒼相去能幾行人過
茲鮮不垂涕十數年前藏碑者得之蜀人今尤
延之李仲南家有之

隸續

封邱令王元賞碑

隸書不著書撰人名氏碑以延熹四年立王君
嘗爲封邱令辟司空府元賞其字也碑已浸滅
元賞之名及其鄉里皆不可見故以其字稱之

集古錄目

碑云君諱某字元賞御史君之孫茂材君之子
也歷秦及漢有國有家宰相牧守踵府相襲又
云郡察孝廉郎中謁者苑陵丞封邱令母憂去
官服祥辟司空府延熹四年五月辛酉遭僉而
終其文字磨滅隱隱可見者如此其名既亡又
不序其姓惟其銘云於惟王君以此知其姓王
爾

集古錄

其姓名已殘缺所可見者字元賞而已碑云察
舉孝廉郎中謁者考工苑陵葉封邱令而銘文
亦有撫臨三國之語歐公集古錄云爲苑陵丞
者蓋誤以葉字爲丞爾碑陰載門生姓名有云
右奔喪右斬杖三年者錄金石
封邱令王延賓碑隸額兩行所存其下令碑二
字歐趙皆以爲王元賞予所得者却是元賓字
畫分明非是測度其名彷彿是紹一碑之中不
可識者纔數字王君以察孝廉爲郎謁者故銘
詩云宿衛帝側常宰苑陵葉封邱三城故云王
用錫命撫臨三國以延熹四年卒

封邱令王元賓碑陰

王元賓碑陰四橫稱故吏者四人有名字郡邑
者十數人餘皆凋落不備其中有立碑錢五百
百之文又有右奔喪右斬杖三年之文歐趙有
其碑而亡其名碑云門徒兩集盛於洙泗故衰
杖過禮等于事父惜乎碑石淪碎姓名不能盡
見歐云碑有錢各五百字似是修廟人所記其
可見者濟陰定陶蔡顛子盛山陰金鄉張諺季
德又時有故吏字不知爲何人祠廟按此碑既
有故吏又有奔喪斬杖之文謂之修廟人題名
非也威宗延熹四年立並隸續

蒼頡廟人名

按今存在陝西白水縣卽蒼頡廟碑之側當入同州

延熹五年正月立歐陽公集古錄云此碑有蓮
勺左鄉有秩池陽左鄉有秩池陽集水有秩皆
不知是何名號又有夏陽候長祿祔候長則是
縣吏之名其字畫不甚精又無事實可考姑疑
其名號以俟知者爾按前漢書張敞以鄉有秩
補太守卒史後漢書百官志鄉置有秩三老游
徼本注曰有秩郡所署秩百石掌一鄉人注引
漢官曰鄉戶五千則置有秩風俗通曰秩則田
間大夫言其官纔有秩爾然則有秩蓋亦鄉吏
名也

金石錄

平輿令薛君碑

碑云惟延熹六年春二月平輿令薛君卒嗚呼
哀哉吏民其咨咨君之德廼建碑石于墓之側
其後有銘三百餘言敘述甚詳惟不載其名字
世系故莫得而考焉

金石錄

漢故平輿令薛君碑隸額前有敘凡三十六字
大略云平輿以延熹六年二月卒吏民咨其德
建碑於墓之側次有銘詩三百四言文雖無缺
而不書其名字其云我君肇祖廼侯于薛者謂
夏之車正奚仲也

隸續

蒼頡廟碑

按今存在陝西白水縣

文字殘缺其略可辨者有云蒼頡天生德于大
聖四日靈光爲百王作憲而其銘曰穆穆聖蒼
知爲蒼頡碑也考其歲月蓋熹平六年立金石錄
右侍無名人墓闕

漢右侍之墓五字藏碑者宣和間中分爲兩黏
裝作帙漢官有左右署侍郎漢人題闕作碑多
省文如郭仲奇爲北軍中侯而碑中省其北字
高頤作北部府丞而題闕省其部字馮緄之右
郎中署字于文亦省此侍字之下必有漫滅之
文爲貼碑者所翦其左有光和三年四小字續
種氏石虎刻字

種氏石虎刻字光和七年四月五日己丑孝子
種覽元博所造趙氏得漢代兩墓石獸膊上字
宗資天祿辟邪是篆文州輔二獸所刻予訪之
未獲續

仲秋下旬碑按漢隸字源云在縣州

無名碑字畫清逸頗類故吏所立劉寬碑但石
損字缺所餘亡幾其云紀涪者歲在涪灘也仲
秋下旬粵日辛者其所終之月日也又云辭病
不降淹瘵累載知其久苦沉疴也銘云爰茲衰
微三命縮羸知其常選貢也又云背爾嬪儷孤
嗣禪莞知其有妻孥也釋

頻陽令宋君殘碑

漢故頻陽令宋君表其篆額兩行獨不殘缺碑
十行行有七字惟聖賢之肖丕闡休聲朝廷咨
謀來歸靈宇數句成文趙氏所藏者亦是殘碑
恐不至如斯之鮮也額之左有令丞簿尉五人
題名乃本朝官制其右有文云後漢頻陽令宋
君碑記其辭云宋君漢良宰也鄉人宜之餘亦
缺矣續錄

防東尉司馬季德碑

山陽府卒史防東守尉司馬君碑其名闕其字
季德有所終之月日而其年則磨滅此云山陽

府卒史防東守尉者以郡曹而攝邑官其本秩
自如故猶今之兼權也防東二字頗曖昧難辨
故趙氏以山陽卒史名之續錄

益州刺史薛君巴郡太守劉君碑

按蜀碑記載入巴縣

碑已斷裂不完惟存上一段而其額尚全題漢

故益州刺史中山相薛君巴郡太守宗正卿成

平侯相劉君碑古無兩人共立一碑者惟見于

此爾

金石錄

漢故益州刺史中山相薛君巴郡太守宗正卿
成平侯劉君碑隸額頗雜篆體其碑髣髴二十
行所餘其上一段他石斷裂不存矣第一行有

益州刺史中山相薛八字第二行有巴郡太守
宗正卿成八字第三行有惟二君三字餘皆不
可句讀蓋前兩行各舉其官後行始是碑語與
廣漢屬國辛李二君碑正同其間有祭死者及
薛劉征討字始是紀述平寇之事趙氏誤以為
墓刻故云古無兩人共立一碑者又以劉君為
成平侯相詳其額初無相字此蓋王子侯也續隸
處士嚴發殘碑

處士嚴發殘碑所存有十二行行凡十字其大
略載桓譚陳章所言處士嚴發有曾閔之行棲
遲衡門誠於朋友引春秋褒儀甫之事後有聽

表門閭復之文復下字闕蓋邑官稱嚴之行遂
表其門閭復其租繇而碑之所由立也未有丞
汝南畚君及戶曹掾題名當是其時官寮也其
首行月日之下有彭城字乃其鄉國也此碑不
見歲月疑其非漢刻雖字畫不工却不類魏晉
以後書法續隸

征南將軍劉君神道

有漢征南將軍劉君神道十字大小與王稚子
闕相類而剛勁過之惟後兩字剝損兩漢雜號
將軍掌征伐背叛事訖則罷不常置也唐杜佑
云四征興于漢代四安起於魏初四鎮通於柔

遠四平止於喪亂在光武時岑彭嘗建征南之號矣牛僧孺元怪錄載盧公漁爲明州刺史時有盜發漢征南劉將軍墓者蓋在明之翁山縣其官氏偶同非此劉君也續隸

舉吏張元殘題名

舉吏汝南張元殘題名其可見者故吏河內一人門生東郡三人門生濟南二人門生平原一城各一人薛令有其官而亡其姓名惟虞升一人郡邑名字及所出錢無一字闕者漢碑稱舉將者有二外黃令高彪碑及三公山碑其自稱舉吏者獨於此碑見之續隸

貞女羅鳳墓闕

漢貞女羅鳳墓六字筆勢甚清逸頗類景謁者墓表字之上以朱雀爲額蓋墓闕也續隸

侍中楊文父神道

漢楊侍中文父之神道字體略與馮幽州闕相似必西州所刻者續隸

蜀郡太守任君神道

漢蜀郡太守任君神道九字字畫壯偉然不著名字鄉里歲月莫詳其爲何人也金石錄

雍邱令殘畫碑

雍邱令殘畫像其標題皆已摩滅獨存泰山爲

雍邱令一榜六字所謂泰山者疑是稱其所終之官其書法亦猶朱浮碑云府君作令時之比此畫形制甚有類朱君者但作一旁行則與之不類又人馬之形貌亦不類駕車各以一馬凡車之止有蓋乘車者之後有一人焉其御也惟第七車無蓋而御者執斧其次則導者二人各執其物有如箭者次二人乘馬次導者又二人然後至所謂雍邱令之車次二人乘馬從之復有一車惟見其馬與車之半輪餘則缺矣此刻及朱浮畫乃是寫其平生車騎之容納之幽窅者亦塗車芻靈之意後世神祠佛刹中圖畫於

廊廡間有此類者

續

成王周公畫像

成王周公畫像有標題者六皆偏而不正惟成王周公二榜不漫滅其間張幕設案有總角垂袞而中立者成王也冕而跪于東者曰周公則西者當是召公漢碑有龍虎者隨其文而觀之則先龍而後虎蓋以碑之所向爲左右也立于二公之後者六人其西三人則無標題皆有所執如弓矢之屬一馬在其後此碑所列諸臣翼如也與武梁朱浮畫像法式皆異雍邱令及此圖皆洛陽朱敦孺希真所藏者朱云齊魯間漢

公卿墓中物亦不詳其主名武帝嘗畫周公負成王朝諸侯以賜霍光此畫之意良未喻也續孔子見老子畫像

孔子見老子畫像人物七車二馬三標榜四惟老子後一榜漫滅孔子面右贊鴈老子面左曳曲竹杖中間復有一雁一人俛首在鴈下一物柱地若扇之狀石有裂文不能詳辨侍孔子者一人其後雙馬駕車車上一人馬首外向老子之後一馬駕車車上亦一人車後一人回首向外史記魯昭公子孔子一乘車兩馬一豎子同南宮敬叔適周問禮于老子此畫聖輿兩驂似

是據此續

陽都長徐君冢闕

鍾君碑

二碑無年月其字畫皆東漢人書金石錄

魏石刻

太保任公神道

魏太保任公神道七字金石錄

蜀石刻

鄧芝闕按鄧芝墓在漢州闕當在其墓上

蜀戶部尚書鄧芝闕銘九字又有小字題識漫滅不可讀莫知其爲何代所立資古所錄魏晉

三國遺文獨無蜀刻姑以附卷中

資古紹志錄

西晉石刻

護羌校尉彭祈碑并陰

元康二年三月立碑云君諱祈字子元隴西襄

武人也又云有詔以軍州始分河右未清豺狼

肆虐授君節蓋除護羌校尉統攝涼土前後軍

功應封七侯勞謙退讓陰德不伐年未知命以

太康十年三月癸酉薨西晉石刻見于今者絕

少又多殘缺此碑文字完好可喜

金石錄

碑陰題名者凡三百十二人有故孝廉計掾計

史良吏廉吏計佐主簿領校錄事中部督郵西

部督郵軍議從事和戎從事記室督軍謀從事

錄事史戶曹史賊曹史金曹史田曹史倉曹史

鏡曹史兵曹史客曹史記室史節史車曹史水

部都督中部都督功曹典事武猛從事舍人蜀

渠都水行事中部勸農西部勸農東都水蜀渠

平水門下賊曹門下議生錄事金曹掾兵曹掾

作部史法曹史參戰騎督步督散督門下書佐

弓馬從事監牧史戟史金曹典事武猛史門下

通事門下小史凡一官多者十人少者不減數

人其餘稱故吏無官號者百六十餘人當時州

郡官屬其濫如此蓋自漢以來太守皆得自署

置僚佐彭君爲邊郡守故其所辟尤衆今盡錄其名號以見一時之制焉金石錄

鴻臚成公重墓刻

碑云永寧二年四月辛巳朔十五日己未守鴻

臚關中侯成公重魏夫人之靈柩金石錄

青山君神頌

永安元年九月金石錄

東晉石刻

夜郎太守毋稚碑按已見十九卷恭州此重出

隆安三年六月金石錄

偽趙石刻

橫山李君神道

碑題建武六年歲在庚子三月己亥二十一日

癸丑立金石錄

後魏石刻

造三級浮圖碑

太和十二年七月金石錄

太尉于烈碑

景明四年四月金石錄

淮陽太守梁鑒碑

延昌四年十月金石錄

齊宛二州刺史傅公碑

孝明熙平元年十二月金石錄

兗州刺史羊使君碑

不著書撰人名氏君名缺不可見而有其字曰靈引太山平陽人也為京兆王愉長史愉將反君不從見殺詔贈兗州刺史諡曰威碑以熙平二年立集古錄

瀛州刺史孫惠蔚墓誌

神龜元年五月立其名宇鄉里年壽皆不載獨其末載贈官制書云故安東將軍銀青光祿大夫棗強縣開國男孫蔚知其名蔚又云歸葬于世邑武遂知其為邑人也按後魏書儒林傳有

孫惠蔚其所書事跡與誌皆合傳云先單名蔚正始中侍講禁內夜論佛經有愜帝旨詔使加惠號惠蔚法師焉金石錄

叱閭神寶修闕城銘

銘題右將軍西中郎將叱閭神寶銘又云維大魏神龜元年歲次戊午十一月壬午朔十日壬辰起功三十萬修治闕城并作館第敬造三級

浮圖金石錄

贈司空元暉碑

正光三年四月金石錄

望都令侯宗碑

正光三年六月金石錄

楊麴仁造老子釋迦文佛記

正光三年集古錄目

僧會碑

不著書撰人名氏僧會名集安定朝那人碑缺
亡其姓氏仕後魏至衛大將軍贈侍中司空碑

以正光四年立集古錄目

邑義一千人造像記

正光五年四月金石錄

孟思文等造像碑

正光六年四月金石錄

房曇淵等造像記

莊帝永安三年十月金石錄

斛斯正碑

不著書撰人名氏正字貨按一本敦河南洛陽

人仕後魏至驃騎大將軍贈侍中司徒諡武昭

碑以永熙二年立集古錄目

御史臺雙塔頌

永熙二年金石錄

大鴻臚卿鄭允伯碑

無立石年月金石錄

東魏石刻

造石碑像記

天平元年十月金石錄

造寺碑

隸書不著書撰人名氏寺後魏太武帝所立東

魏天平中中軍將軍元景康重修不知其為何

寺也集古錄目

石像記

不著書撰人名氏石像邑人所共造廬江太守

逢榮等刻銘以興和二年立集古錄目

三家寺碑

不著書撰人名氏俊魏缺人董興壽等造石佛

像於三家寺以興和二年立此碑集古錄目

張皐按金石錄作早墓誌

興和二年十月金石錄

張奢碑

不著書撰人名氏殘缺尤甚奢之字及鄉里皆

亡其可見者以興和三年葬爾其額曰魏故渤

海太守張君碑以此文知其官爵姓氏也集古錄目

魏蘭根碑

興和四年金石錄

造石觀音像記

武安元年平南將軍焦永安造集古錄目

瀛州刺史李公碑

武定三年二月

金石錄

樂陵太守劉公碑

武定二年二月

金石錄

劉起貴造像碑

武定二年五月

金石錄

比邱曇妙等造像記并題名

武定三年

集古錄目

造石塔記

無書撰人名氏魯郡白源寺沙門志紹村人劉志義等造石塔記東魏武定四年刻其後題名

百餘人

集古錄目

安州刺史赫連栩

按一本作相碑

武定五年四月

金石錄

鎮東將軍劉乾碑

碑云君諱乾字天自胡夷亂華典章文物掃地而盡至於名字書畫皆一出其私意而無復稽考可謂亂世矣若劉君者名乾字天豈不怪哉碑無立石年月

金石錄

西魏石刻

化政寺石窟銘

文帝大統七年十二月

金石錄

造像記

大統十五年六月金石錄

北齊石刻

九級塔像銘

不著書撰人名氏北齊天保三年衆造九級塔像之碑也其間多稱後魏年號集古錄目不見書撰人名氏蓋北齊時所作也碑文淺陋蓋鄙俚之人所爲惟其字畫多異往往奇怪故錄之以備廣覽集古錄

造像記

天保四年五月金石錄

郭道尊等造像記

天保四年八月金石錄

孫士淵造像記

天保五年九月金石錄

建陵山修靖館碑

天保六年十月金石錄

郁久閭業碑

天保七年五月金石錄

石當門等造像碑

天保七年十二月金石錄

李威碑

不著書撰人名氏威字鍾葵趙郡柏仁人此碑
字畫古怪不可悉辨其題額曰大齊府君李公
之碑以天保九年立集古錄日

造像碑

皇建元年金石錄

石像頌

皇建元年金石錄

閻亮造像記

按鄭樵通志作關亮

比邱道常書齊武成河清元年九月金石錄

鳴球山禪房記

不著書撰人名氏前有比邱邑子題名其後有

頌亦無書撰人名氏皆北齊人造經像立浮圖

記也鳴球山名碑以河清元年立集古錄日

揅疾經偈

河清二年二月金石錄

華陽公主碑

河清二年八月金石錄

權法師碑

河清二年十月金石錄

三像頌

不著書撰人名氏北齊東豫州參軍宋元進書
河清二年邑主宋士端等造釋迦定光彌勒三

佛石像作此頌其後有東豫州中兵外兵參軍

宋欣儁等題名者數十人集古錄目

造石浮圖記

不著書撰人名氏建州長史馮文顯等造石浮

圖以河清二年刻此記題名者稱維那或稱佛

主左右菩薩東西堪主其稱號甚多凡百七十

餘人集古錄目

河清二年歲在癸未河清北齊高湛年號也碑

文鄙俚而鐫刻訛謬時時字有完者筆畫清婉

可喜故錄之集古錄

邑義人造像記

天統二年七月金石錄

造雙塔碑

天統三年三月金石錄

造石經并記

天統四年六月金石錄

造石像記

無書撰人名氏南濟陰功曹高志遠等與邑人

造石像記天統四年刻其後題名百餘人集古錄目

趙志按金石錄作智和造像碑

天統五年十一月金石錄

後魏曹公碑

隸書其文之亡者過半書撰之人與公之名字鄉里皆不可見公後魏人也孝昌中官至散騎常侍其子顯于齊爲侍中追贈公鴻臚卿趙州刺史諡曰宣以武平元年立此碑碑之所存如此而已

集古錄目

龍華寺造浮圖碑

不著書撰人名氏據碑稱維那劉顯等於雙井村共造龍華浮圖一區爵離一區碑以北齊武平元年立釋氏謂寺爲爵離今北朝石刻往往

見之

集古錄目

隴東王胡長仁碑

按疑卽隴東王感孝頌今在山東肥城縣

武平二年四月

金石錄

觀音石像記

武平二年八月

金石錄

造像記

武平二年九月

金石錄

長樂王尉景碑

武平三年七月

金石錄

白長命碑

武平四年立碑云公字長命而其名已殘缺長

命白建之父也

金石錄

唐邕造佛文

北齊散騎常侍中書侍郎李德林撰通直常侍
中書舍人姚淑隸書驃騎大將軍錄尚書事唐
邕造佛像三萬二千軀以武平五年立此碑

錄目

大安樂寺碑

武平五年四月立其額題廣業王大安樂寺碑
廣業王者尉萇命之子破侯也碑云魏末離亂
萇命嘗營護此寺其後破侯與其弟興敬復
營葺故立此碑

金石錄

開明寺彌勒像碑

武平五年八月

金石錄

賈羅侯等造像碑

武平五年十月

金石錄

造像記

齊武平五年張買等造像記有銘辭及題名不

著書撰人名氏

集古錄目

邱珍碑

按今存在直隸曲陽縣當入定州

武平六年二月

金石錄

宋悅和等造像碑

武平七年七月

金石錄

唐邕造寺碑

隸書不著書撰人名氏北齊錄尚書事晉昌王

唐邕造四生咸覺寺之記也不著所立年月集錄

宜陽國太妃傅氏碑

其額題齊故女侍中宜陽國貞穆太妃傅氏碑
碑云太妃諱華清河丹邱人也按北史後魏置
女侍中秩二品然本後宮嬪御之職今以宰相
母爲之惟見於此傅氏趙彥深之母有賢操事
載于史記金石錄

贈司空趙奉碑

奉彥深之父也碑云君諱奉字奉伯而北齊書
及北史但云名奉伯而已金石錄

司空趙起碑

碑云起自滄州刺史還闕除吏部尙書判外兵
省事遷光祿大夫以本官兼尙書左僕射出行

懷州事轉膠州刺史封南泉郡王而卒金石錄

永樂十六角題名

不著書人名氏刻石年月不知爲何時所立永
樂十六角者浮圖也題名凡二百餘人集古錄目

永樂十六角題名不著年月列人名甚多皆無
顯者莫可考究不知爲何時碑其字畫頗怪而
不精似是東魏北齊人所書十六角者庸俗所
造佛塔其後又書云造十六角鎮國大浮圖則

知爲塔矣其謂之十六角只見此碑而後魏時
又有常山義七級碑蓋當時俚俗語類皆如此

集古錄

二聖寺龍華讚佛碑

造釋迦像碑

宋使君像碑

高隆之造像碑

以上四碑無年月或殘缺

金石錄

後周石刻

宇文衆造像碑

閔帝武成元年十月

金石錄

延壽公碑頌

保定元年二月

金石錄

于實靈塔頌

不著書撰人名氏周大都督勳州諸軍事勳州

刺史萬紐于實所立塔頌也以保定元年立

集古錄

目錄

同州刺史普六如忠墓誌

天和三年七月

金石錄

温州刺史烏丸僧修墓誌

天和七年三月

金石錄

降魔寺碑

後周鄖國公府長史拓跋崇奉教撰總管府賓
曹謝威奉教書降魔寺者鄖國公宇文寬之所
建碑以武德二年立集古錄目

隋石刻

源使君碑

文帝開皇元年金石錄

呂龜碑

開皇二年十一月金石錄

北齊造像碑

北齊仁州刺史黃門郎劉狄之撰不著書人名
氏邑人趙紹等造佛像記也不著所立年月據

其記稱大齊而其後又題曰隋潞州司馬薛邈

侍佛乃知隋人所追建也集古錄目

北齊徐州張長史碑

開皇九年十月金石錄

齊國太夫人楊氏墓誌

開皇十年三月金石錄

鄂國公造鎮國大像碑

開皇十一年九月金石錄

董明府清德頌

開皇十二年三月金石錄

劉景韶造像碑

開皇十三年四月錄金石

趙君寶塔碑

開皇十三年十月錄金石

造像碑

開皇十五年九月錄金石

李氏像碑

開皇十六年七月錄金石

聖衆寺真應禪師碑

不著書撰人名氏其額曰聖衆寺真應禪師妙

德碑真應禪師者姓蓋氏漢蓋延之後碑以開

皇十七年立錄集古錄目

王明府造像碑

開皇十七年八月錄金石

五原國太夫人鄭氏墓誌

開皇二十年二月錄金石

舍利塔記

仁壽二年三月錄金石

舍利寶塔下銘

按疑卽鄧州舍利塔下銘今在祥符者

仁壽二年四月錄金石

棲岩道場舍利碑

按當入河中府

仁壽二年錄金石

願力寺舍利寶塔函銘按當入北京

仁壽三年四月相州刺史薛胄建金石錄

周羅暉墓誌

徐敞撰無書人姓名大業元年四月立而歐陽
率更在大業中所書姚辯墓誌元長壽碑與此
碑字體正同蓋率更書也往時書學博士米芾
善書尤精于鑒裁亦以余言為然羅暉名將隋
書有傳金石錄

海州刺史按金石錄作長史劉遙墓誌

大業六年十一月金石錄

黃門侍郎柳旦墓誌

大業六年十一月金石錄

平都治碑

大業十一年八月金石錄

大都督袁君碑

大業十二年二月金石錄

滄山石窟碑按當入磁州

虞世則造像記

造等身像記

以上三碑無年月或殘缺金石錄

唐石刻

劉亮墓誌

正書無姓名武德八年十二月金石錄

王悅等造像碑

正書無姓名貞觀六年五月金石錄

宕渠令孟略碑

正書無書撰人姓名貞觀十年十二月金石錄

益州刺史裴鏡民碑按今存在山西聞喜縣當入絳州

李伯藥撰殷令名正書貞觀十一年十月立令

名與其子仲容皆以能書擅名一時而令名遺

跡存者惟此碑耳筆法精妙不減歐虞惜不多

見金石錄

姜寶誼碑

正書無書撰人姓名貞觀十二年十月金石錄

李先生碑

按以下原按盧藏用撰并八分書長安三年一行

曰世榮造劉君諤正書貞觀十五年五月金石錄

樂鄉縣令長孫長迥墓誌

正書無書撰人姓名貞觀十七年九月復齋碑錄

神劍碑

正書無書撰人姓名貞觀十七年十月金石錄

鄖國公殷元嗣墓誌

正書無書撰人姓名貞觀二十一年六月金石錄

太府卿李襲譽墓誌

正書無書撰人姓名貞觀二十三年三月金石錄

聞喜縣令江彥碑

正書無書撰人姓名永徽二年十月金石錄

宜州別駕楊旻墓誌

正書無書撰人姓名永徽二年十二月金石錄

房仁裕母清河李夫人碑按今存在陝西醴泉縣

分書無書撰人姓名永徽三年六月立復齋碑錄

潤州當塗令董智奭誌

諱智奭字希保隴西狄道人也顯慶二年七月

卒以三年二月二十三日寔於舊塋復齋碑錄

乞伏士幹墓誌按已見八卷萬年縣此重出

正書無書撰人姓名顯慶三年五月金石錄

按以上二十行原錯在都官郎中孔昌寓碑後下接勝業寺雙彌勒碑

隋辛彖墓誌

正書無書撰人姓名顯慶三年十二月金石錄

紀公碑

正書無書撰人姓名顯慶四年三月金石錄

齊興寺碑

正書無書撰人姓名龍朔二年六月金石錄

改造彌勒閣碑

行書無書撰人姓名龍朔三年正月金石錄

孫仁師百濟班師碑

唐前隨州光化縣尉馬大斌撰不著書人名氏

高宗既平百濟已而其國人復叛右威衛將軍
孫仁師為熊津道行軍大總管伐而平之師還
至都州刻石紀功以麟德元年立集古錄目

袁遊擊碑

遊擊子義

按類編作恬

撰并書遊擊名神通字元

濟河南官陽人仕唐官至遊擊將軍右武衛唐

興府正軍毅都尉碑以麟德元年立集古錄目

唐立後魏郢州刺史劉賓碑

八分書無書撰人姓名麟德二年四月其孫立

金石錄

紀國先妃陸氏碑

按今存在陝西醴泉縣

正書無書撰人姓名乾封元年十二月金石錄

滁州刺史劉君碑

李儼撰頗有意正書乾封二年二月金石錄

杜延基造心經

蘇休奕正書總章元年六月金石錄

曹王府典軍劉公碑

趙務元撰正書無姓名總章二年二月金石錄

張士相墓誌

正書無書撰人姓名咸亨四年二月復齋碑錄

興昔亡單上阿史那彌射碑

正書無書撰人姓名咸亨四年二月金石錄

幽州都督盧承慶碑

八分書無書撰人姓名咸亨四年五月錄金石

越州長史李基碑

張太素撰行書無姓名上元二年九月錄金石

尹府君碑

正書無書撰人姓名上元二年十二月錄金石

李德構造像碑

正書無書撰人姓名上元二年錄金石

平原寺舍利塔碑

抄人名缺僧仁基正書唐上元三年二月錄金石

金剛經

正書無姓名儀鳳三年四月錄金石

觀音十大願品經

正書無姓名儀鳳三年四月錄金石

陽翟侯夫人陸氏墓誌

周思茂撰正書無姓名開耀二年正月錄金石

劉黑仁等造徘徊碑

行書無書撰人姓名永淳二年七月錄金石

奉仙觀老君像碑

按今存在河南濟源縣
李審幾撰沮渠智烈書垂拱元年錄金石

麴君碑

正書無書撰人姓名垂拱元年十一月錄金石

舍利塔銘

陳思順造正書無姓名垂拱四年二月金石錄

周贈箕州刺史成公碑

楊炯撰正書無姓名天授二年二月金石錄

周祭元元皇帝碑

行書無姓名天授二年二月金石錄

周冬官尚書李冲元墓誌

正書無書撰人姓名證聖元年十月金石錄

周南宮昌墓誌

正書無書撰人姓名萬歲通天元年金石錄

周賈休清德碑

詳正學士張顯思撰正書無姓名萬歲通天二年九月建復齋碑錄

周長安主簿龐君碑

行書無書撰人姓名神功元年十月金石錄

周護軍王君碑

行書無書撰人姓名聖曆二年六月金石錄

周舍利寶函記

篆書無姓名久視元年七月金石錄

周許由廟碑按當入西京登封縣

則天撰相王旦正書大足元年五月金石錄

周閔居士夫人塔銘

正書無書撰人姓名大足元年十月立金石錄

周棲岩寺詩按今存在山西永濟縣

高宗則天撰韓懷信正書長安二年金石錄

周都官郎中孔昌嵩碑

按以上八十一行原錯在天竺寺碑後下接田世榮撰劉君諤正書貞觀十五年一行

盧藏用撰并八分書長安三年二月金石錄

周思簡律師塔碑

正書無書撰人姓名長安四年三月金石錄

周遊仙篇按今存在河南偃師縣唐昇仙太子碑陰額上

武后撰薛曜正書武后時立金石錄

周堯廟碑

盧永慶撰劉濟物正書武后時立金石錄

周光武皇帝碑

正書無書撰人姓名武后時立無年月金石錄

胡元絢墓誌

不著書撰人名氏元絢字子實涇州安定人官

至雅州嚴道縣令碑以神龍元年立集古錄目

王仲祥等造像碑

正書無書撰人姓名神龍三年正月金石錄

徐有功碑

徐彥伯撰正書姓名殘缺景龍二年四月金石錄

騎都尉劉君墓誌

正書無書撰人姓名景龍三年十月金石錄

天竺寺碑按類編云在杭州

蘇頲撰蘇誥八分書睿宗景雲元年十月金石錄

按以上二十行原錯在李先生碑後

勝業寺雙彌勒像碑

褚慶文撰趙冬曦正書景雲二年二月金石錄

大雲寺石燈臺額

景初陽撰殷子陽八分書景雲二年金石錄

司農卿盧萬石碑

李義撰八分書無姓名先天元年十月金石錄

元公浮圖祠堂額

八分書無書撰人姓名先天二年八月金石錄

遵善寺大像碑

羅邈撰行書無姓名明皇開元元年五月金石錄

贈右僕射王洎碑

盧藏用撰甘獻誠八分書開元二年二月立洎

字文洎王仁皎父也金石錄

南亭記

王翼撰八分書無姓名開元二年三月金石錄

辨機法師塔銘

趙冬曦撰正書無姓名開元二年九月金石錄

杭州刺史裴倦碑

族子子餘撰孫令缺行書盧曉八分題額開元

三年九月金石錄

陳延喜妻穆氏墓誌

齊望之撰蕭元皎正書開元六年正月金石錄

鬱林觀東巖壁記按今存在江蘇海州

崔逸撰八分書無姓名開元七年正月金石錄

永豐陂堰頌

徐嶠之撰并八分書開元七年五月金石錄

嘉禾寺禪院碑

徐楚璧撰姚思義八分書開元八年八月金石錄

六公詠

李邕撰胡履虛八分書開元十一年刻初余讀

杜甫八哀詩云朗詠六公篇憂來豁蒙蔽恨不

見其詩晚得石本入錄其文詞高古真一代之

佳作也六公者五王爲一章狄丞相別爲一章

云金石錄

普寂禪師碑

盧鴻撰并八分書開元十二年正月金石錄

神泉寺石經西塔銘

唐昭明撰田昌按金石錄正書開元十二年正月

金石錄

明皇行次成皋詩按今存在河南汜水縣紀功頌碑陰

史敘

按原作艾敘

行書開元十三年十月

金石錄

崔慧爽傳

薛僅撰行書無姓名開元十四年二月金石錄

彭思義建父至德碑

行書無姓名開元十四年金石錄

濟源令蕭公墓誌

權徵按金石錄作激撰正書無姓名開元十五年二月

復齋碑錄

房山湯記

張嘉貞撰行書無姓名開元十五年四月金石錄

大雲寺丈八佛像記

段履冰撰行書無姓名開元十七年九月金石錄

老子廟碑按金石錄碑作詩

于孺卿撰房自謙正書按金石錄作于孺卿開房自謙撰自謙正書

元十八年三月金石錄

東夏師資正傳按墨池編作東夏大乘師資真傳

僧慧超述李巖正書開元十八年四月金石錄

曇榮禪師碑

崔禹撰蘇睨按類編作峴銘韋鑒八分書開元十八

年八月金石錄

貞法師旌德記

分書無書撰人姓名開元十八年十二月金石錄

阿彌陀佛讚

殷彥方撰鍾紹京正書開元二十年五月金石錄

源公石幢記

封利建撰賀遂回八分書開元二十一年金石錄

同州刺史解琬碑

蘇頲撰梁昇卿八分書琬武后中睿朝為將有

功開元六年卒開元二十三年五月立碑金石錄

相州刺史侯莫陳涉墓誌

鄭同昇撰盧自勵按金石錄作勸正書開元二十三年

乙亥十一月壬子朔九日庚申復齋碑錄

光祿卿鄭曾碑按今存在河南榮澤縣

梁昇卿撰并八分書開元二十四年五月金石錄

穎王府司馬蕭擢墓誌

正書無書撰人姓名開元二十四年十月金石錄

傳菩薩戒按原頌作成

楊仲昌撰沙門溫古行書開元二十五年六月

金石錄

定進巖碑按今河南武安縣有定靜巖

嚴浚撰蔡有鄰分書開元二十六年十月金石錄

述靈記

張嘉祐行書無姓名開元二十七年三月金石錄

長孫君夫人李氏墓誌

正書無書撰人姓名開元二十七年七月金石錄

忠武將軍王陳墓誌

行書無書撰人姓名開元二十七年十月金石錄

內常侍趙泰宗碑

男尚容按金石錄類編并作容撰胡秀分書開元二十八

年二月金石錄

將軍慕容加按金石錄作嘉勛墓誌

馮瓌撰正書無姓名開元二十八年二月金石錄

龍興寺淨土院碑按類編云在華州

李邕撰章同八分書開元中立金石錄

資州刺史韋光碑按類編云在京兆

趙良器撰族子若訥分書天寶三年七月金石錄

常覺寺銅鐘銘

韋迥撰并八分書天寶四年五月金石錄

陳畱都太守徐暉碑

李邕撰徐浩行書天寶五年八月金石錄

薛氏追贈夫人碑

房瑄撰王曾八分書天寶六載二月金石錄

尊勝陀羅尼經

正書無姓名天寶七年二月金石錄

度人經

八分書無姓名天寶七年七月金石錄

百家巖寺記

按當在懷州修武縣

崔禹錫撰劉軫行書天寶七年九月

金石錄

太子司議郎王元碑

李華撰朱璩

按金石錄作璩

八分書天寶七年十月

金石錄

楊宏慶造舍利塔等碑

唐劉慎和撰王進書宏慶宏農人以開元七年

造銅盂蘭盆及舍利塔佛像等天寶七載立此

記并宏慶等題名附

集古錄目

百家巖寺碑

按當入懷州

崔巨撰崔倚正書天寶八年二月

金石錄

康珽告

按一本作唐挺告誤

徐浩行書天寶十年二月

金石錄

新安郡太守張公碑

按類編云在洛州

韋述撰徐浩正書史惟則篆額天寶十年十一

月

金石錄

鉅鹿郡夫人魏氏墓誌

李積

按金石錄作植

撰薛邕八分書天寶十一年九月

金石錄

處子瑗墓誌

行書無書撰人姓名天寶十一年十一月

金石錄

四禪寺萬菩薩像記

趙子餘撰林混元八分書天寶十一年金石錄

泊浦橋記

蔡希綜撰并行書天寶十二年正月金石錄

哥舒翰等造阿彌陀經

正書無姓名天寶十二年九月金石錄

明皇注金剛經

八分書無姓名天寶中立金石錄

南叟訓

祁順之撰皇三從姪延宥正書乾元二年三月

金石錄

鄂州長史游浦碑

分書撰人姓名殘缺永泰二年十一月金石錄

永泰寺鐘銘按永泰寺在登封縣

崔巨撰房集書大曆元年十二月金石錄

亳州刺史劉瓌碑

路巽撰李著分書并篆額大曆二年十月金石錄

義井記按文見文苑英華當在今河間府

邵真撰王佑按金石錄作佐書大曆六年三月

金石錄

特進梁公碑

王修然撰王軌行書大曆六年四月金石錄

呂府君勅葬碑

喻伯僑八分書大[麻]六年五月立呂府君名惠
恭僧大濟之父代宗朝元載王縉用事宗尚浮
圖之法大濟為帝常修功德使殿中監故褒贈
其父為兗州刺史官為營辦葬事爵賞之濫一
至於此金石錄

黃石公祠記并碑陰記

按今存在山東東阿縣裴平八分書

李卓撰八分書姓名殘缺大[麻]八年七月

金石錄

文宣王廟新三門記

按今存在山東曲阜縣

裴孝智撰裴平分書并篆額大[麻]八年十二月

金石錄

怪石銘

樊晃撰張從申行書大[麻]十年十月

金石錄

章仇公夫人魏氏墓誌

李積

按金石錄作積

撰薛邕八分書大[麻]十一年九月

金石錄

題朝陽巖詩

李舟撰并正書大[麻]十三年九月李當牛崑詩

附金石錄

蕭和尚靈塔銘

正書姓名殘缺德宗建中元年二月

金石錄

張茂昭功德碑

王璿撰并行書建中三年

金石錄

扶陽郡君韋氏墓誌

杜黃裳撰正書無姓名建中四年二月金石錄

定光上人塔銘

吉中孚撰行書姓名殘缺貞元元年十月金石錄

均法師碑

沙門惟心撰高述書貞元三年五月金石錄

安國大德律師塔銘

徐峴撰并正書貞元七年十月金石錄

鄭叔清碑

按墨池編作韓秀
弼八分在潁陽

濟遠寺功德碑

于翰撰韓秀榮八分書貞元九年七月金石錄

郭榮撰劉雲行書貞元十年二月金石錄

菩薩戒石壇記

沙門大觀述屈賁正書貞元十一年二月金石錄

白楊新廟碑按當在代州

令狐楚撰鄭造正書貞元十六年七月金石錄

惠昕大師碑

齊推撰正書姓名殘缺貞元十七年金石錄

萬州刺史苗拯碑按通志略有萬州刺史
公碑貞元中西京

張粲撰王崧八分書苗端題額順宗永貞元年

十二月金石錄

大誓禪師碑按說嵩大誓碑在嵩嶽
寺後道上盧元卿書

張宏靖撰分書姓名殘缺元和二年七月金石錄

國子司業辛璿碑

姪宗撰正書無姓名胡季良篆額元和四年五

月金石錄

智浩律師碑

按類編云在成都

段文昌撰蕭延慶正書元和九年十二月金石錄

紫玉山禪師碑

李承崔撰屈師穆書元和九年金石錄

太子賓客孔述睿碑

按四卷西京又有太子賓客孔君碑無年月

鄭綯撰鄭餘慶書元和十一年六月金石錄

太府寺丞李泳

按類編墓誌作詠

令狐楚撰段全緯書元和十二年十一月金石錄

太子少保田公碑

李宗閔撰篆書姓名殘缺元和十五年立文字

殘缺以事考之蓋田宏正之兄融碑也宏正帥

魏詔以融為相州刺史使之相近碑為篆字題

嵩山布衣書而名姓磨滅不可識其筆蹟頗佳

金石錄

張誠碑

按文見長慶集作贈尚書吳郡張誠神道碑長慶二年葬伊闕縣中李原類編兩見

一云長慶四年洛州

白居易撰武翊黃正書姪孫璠篆額長慶二年

六月金石錄

贈太保李良臣碑 按今存在山西榆次縣

李宗閔撰楊正書長慶二年立 金石錄

題怪石詩

世傳李德裕作長慶二年二月 金石錄

贈左僕射郭公碑

李宗閔撰蕭佶正書長慶三年八月 金石錄

相里孝諒墓誌

撰人名缺王元弼正書長慶四年十二月 金石錄

裴度白居易聯句

正書無姓名大和三年十二月 金石錄

春城院佛殿記

劉慥撰鄭師仁八分書大和九年五月 金石錄

皇甫曙題石佛谷詩 按今存在山西鳳臺縣

李道夷正書開成元年十月 金石錄

文宣王新廟碑 按文見劉賓客集作許州文宣王新廟碑

劉禹錫撰盧逕正書開成二年二月 金石錄

蔚州刺史馬紆墓誌

楊倬撰正書無姓名會昌四年七月 金石錄

會昌投龍文

唐武宗會昌五年內出修金籙齋詞一告盡口

雲臺等治詞一帝自稱承道繼元昭明三光弟

子南嶽炎上真人其詞皆劔南節度衙推趙圓

書不著所刻年月

集古錄目

余修唐本紀至武宗以謂奮然除去浮圖銳矣而躬受道家之籙服藥以求長年以此知其非明智之不惑者特其好惡有所不同爾及得會昌投龍文見其自稱承道繼元昭明三光弟子南嶽炎上真人則又益以前言為不謬矣蓋其所自稱號者與夫所謂菩薩戒弟子者亦何以異余嘗謂佛言無生老言不死二者同出於貪信矣會昌之政臨事明果有足過人者至其心有所貪則其所為與庸夫何異

集古錄

淮陽太守李公廟碑

李謙撰慕容鎬正書大中三年三月

金石錄

穎亭記

陳寬撰正書無姓名大中四年立

金石錄

幽州納降軍使李巖碑

正書書撰人姓名殘缺大中六年六月

金石錄

蕭穎士庭莎賦

正書無姓名大中七年十月

金石錄

儒宮碑

沈佐黃撰杜英正書并篆額大中十三年十一

月 金石錄

萬石君廟記

石曼撰王藩行書并篆額大中十三年十一月
金石錄

義昌軍節度使杜中立碑

裴坦撰杜宣猷正書大中十四年八月
金石錄

禮部尚書許康佐碑
按墨池編云在偃師縣

書撰人姓名殘缺大中中立
金石錄

修繁城廟記
按當入許州

曹分撰篆書無姓名咸通十二年九月
金石錄

寂照寺雙浮圖碑

單江撰八分書
金石錄

椒陵陂詩

韋瓘撰正書
金石錄

通神寺鳳陽門銘

八分書無書撰人姓名
金石錄

尊勝幢贊

韓極文鄔真
按金石錄作員行書金石錄

元元皇帝道德銘

李華撰張敬仙書
金石錄

後唐汾陽王真堂記
按類編誤作洛陽至真堂記通志略真堂記在西安

李悅撰李鶚正書末帝清泰三年八月立鶚五

代時仕至國子丞九經印板多其所書前輩頗

貴重之余後得此記其筆法蓋出於歐陽率更

然寔於法度而韻不能高非名書也


金石錄

漢大藏經旨

按原序作音序

郭忠恕撰并篆袁正巳正書乾佑元年四月

金石錄



上海陸成沅校字

